

四庫全書

史部

欽定四庫全書

欽定滿洲源流考卷八

疆域

洪惟我

國家肇造大東覆育區宇輿圖之盛歷古所無

始祖建國鄂多理城

肇祖徙居赫圖阿拉

詒謀考卜實啓

興京

太祖高皇帝以十三戎甲次第削平諸部經始瀋遼

太宗文皇帝正號

太清濯征明國臣服朝鮮

世祖章皇帝統一方輿極天所覆罔不率俾溯

王迹之肇基緬神區之鍾萃在原在嚙因

陟降而地靈成邑成都啟版圖於日闢若肅慎以下故城
舊治及渤海金元之所建置遺迹猶在沿革可稽

臣等謹立疆域一門條舉史傳所載附以考證仍
先列

興京及吉林黑龍江將軍所轄於前驗古徵今庶幾
瞭如指掌至如奉天錦州所屬四州八縣之地則
具詳

一統志

盛京通志中不復兼載云

興京

謹按

興京周以前為肅慎氏漢晉為挹婁南北朝暨隋為
靺鞨唐時渤海定理府遼金迄元為瀋陽地在

盛京城東微南二百七十里城周五里羣山拱護河
水環縈實

本朝邠岐故壤恭考

發祥世紀

始祖居長白山東俄莫惠之野鄂多理城城在

興京東一千五百里寧古塔城西南三百三十里勒福善河西岸

肇祖原皇帝殲仇創業始居呼蘭哈達山下赫圖阿拉
太祖天挺神武相險宅中始

締構於

興京旋

經營於遼瀋東漸海西訖遼西東南及朝鮮北暨嫩江黑龍江以至使犬諾羅諸部罔不臣服

太宗繼伐幅員孔長其城堡之隸

興京境內者有老城

城南八里周十一里餘

高麗城

城南一百二十里周

三里餘

鹵廠舊城

城南一百四十里周二里餘

鹵廠新城

城南一百四十

八里周一百十步

清河城

城西南一百六十里周四里餘

山羊峪城

城西

百九十五里周一里餘

瑪哈丹城

城西南二百一十里周二里餘 太祖戊午年

征明降其城

薩爾濇城

城西一百二十里內城周三里外城周七里 太祖破明

四路兵二十萬於此

界藩城

城西北一百二十里在鐵背山 太祖殲明將杜松於

此而

親御桴鼓及

命帥奏功者曰烏拉

在混同江東尼什哈站北其國有宜罕山城

太

太祖戊申年攻克臨河五城金州城壬子年攻

克遜扎秦城郭多城鄂漢城富勒哈城皆癸丑年

攻哈達在開原東北邊外即明時所謂南關也

發國城在輝發河邊扈爾奇山上有多壁城

赫在威遠堡東北近葉赫河岸即明時所謂北關

埽山甲辰年攻取張阿奇蘭二城癸丑年取吉當

阿城烏蘇城雅哈城赫爾蘇城喀布齊賚城哈敦

城額吉岱城天命四年取克伊特城是年

親統大兵攻克東西二城平其國東城即葉赫新

城西城即業
赫老城也

蘇克素護河

在清河東所屬城寨曰
圖倫城

太祖癸

未年起兵討尼堪外蘭于此曰薩爾濶城亦癸未
年攻取曰馬爾墩寨甲申年攻取曰安國承爾佳

城乙酉年攻取曰嘉木瑚城曰沾河寨
曰古呼城曰沙濟城皆癸未以後收服

渾河

太

祖甲申年征之鑿道噶哈嶺乙酉年敗其兵于太
蘭岡吉林崖所屬城寨曰巴爾達城丙戌年攻取

曰兆佳城巳丑年攻取曰杭甲城曰札庫木
城曰東佳城曰伯伊輝寨俱以次攻取

完顏

子年平其部

太祖戊

棟鄂

在寬甸堡外有齊吉達城翁
鄂洛城

太祖甲申年

征之戊

哲陳

太祖乙酉年征之托漠河章
甲巴爾達界藩俱集兵來禦戎兵四

人敗其八百人

長白山之訥殷

有佛多和城
太祖癸巳年勦

誅納股部
長於此
珠舍哩
癸巳年征之
太祖
鴨淥江部

卯年征取之
太祖
罕
瓦爾喀之安褚拉庫內河
太祖丙

申年征之
取
烏爾里尼滿
聰九年平其部
太祖天
烏爾格

辰
崇德二年
平其部
綏芬
庚戌年攻克
太祖
雅蘭
甲寅年攻克
太祖

瑚葉
巳酉年攻克
太祖
烏爾吉額赫庫倫
俱崇德二年
年攻克
諾

羅阿萬
天命元年
招服
呼爾哈之扎庫塔
辛亥年攻克
太祖
烏

扎拉
崇德五年
年征服
烏蘭海倫
崇德五年
年征服
庫爾喀之拉里禪

鐸辰阿薩津多津烏庫爾城卦拉爾額蘓里額爾

圖

俱崇德五年征服

黑龍江之薩哈連部

天命元年征之取其七寨三十

六 卦爾察部

天命十年十一月兩次征之天聰八年歸附

索倫部

天聰八年

通貢崇德五年征之

博和里諾爾噶爾都里

崇德八年攻取

小噶爾

達蘓大噶爾達蘓綽庫禪能吉爾

俱崇德八年征降

窩集

之赫什赫鄂謨和索羅佛納赫托克索

俱太祖丁未

年征

錫璘

甲寅年征取

而部落之舉族內附者曰

蘓完

戊子年歸附

曰雅爾古

戊子年歸附

瓦爾喀

則有斐優

烏拉所侵率戶五百歸順

呼爾喀則

有錫喇忻

天命元年招服

格伊克哩

天聰二年歸附

納堪泰

天聰四年

朝貢托科羅努雅喇默爾庫勒赫葉

俱崇德二年朝貢

輝克

崇德五年朝貢

瑪爾哲賴科爾佛科爾庫薩喀哩

俱崇德六年朝貢

貢喀爾喀木哲克特庫塔圖庫福題希額爾琿幹

齊奇庫巴扎拉額題奇薩里尼葉爾北

俱崇德七年招降

松阿哩則有巴雅喇

天聰二年朝貢

黑龍江則有杜莫訥

武因庫魯木圖納屯

俱天聰八年朝貢

果博爾色布奇赫

赫岱克殷烏魯蘓裕爾根海倫固濃昆都倫烏蘭

俱天聰九
年朝貢

扈爾布爾俄勒

俱崇德三
年朝貢

索倫之薩哈

爾察

天聰六
年朝貢

博穆博果爾

崇德二
年朝貢

納木丹尼都遜

烏喇喀德都爾

俱崇德五
年歸附

庫爾喀之賴達爾

崇德
六年

朝貢及延楚地方之庫雅喇

即庫爾喀之別名在圖
們江北岸與朝鮮之慶

遠相對去寧古塔五
百里崇德八年朝貢精格里河渾春

崇德三
年朝貢窩集

則有那木都魯寧古塔尼瑪察

俱

庚戌年招降

太祖使

犬部則有益青

天聰八
年朝貢

使鹿部則有喀木尼漢

崇
德

元年招降東北邊部落以次入貢者自寧古塔東北行

四百餘里住呼爾哈松花江兩岸者曰諾雷天聰五年

朝貢曰克宜克勒崇德二年朝貢曰祐什哈哩崇德三年朝貢皆編

甲入戶自寧古塔東行千餘里住烏蘓里江兩岸

者曰木倫辛亥年太祖征降又東二百餘里住尼滿河

源者曰奇雅喀喇又有班吉爾漢喀喇亦在寧古塔東南去烏蘓哩四千里每二

年一次遣官至尼滿河地方收貢頌賜自寧古塔東北行千五百里住

松花江黑龍江兩岸者曰赫哲喀喇又東北行四

五百里住烏蘓里松花黑龍三江匯流左右者亦

曰赫哲喀喇

自寧古塔水路至其部東北界共四千五百餘里

即使犬國

也又東北行七八百里曰費雅喀

又有居處甚遠不能至寧古塔

之庫葉一部每年六月遣官至離寧古塔三千里之普祿鄉收貢頌賜

自寧古塔東

北行三千里曰奇勒爾

即使鹿鄂倫春游牧處所距齊齊哈爾城千餘里又

使馬鄂倫春亦散處山林距齊齊哈爾五六百里

直至于大東海皆自古

荒遠未聞之地朝貢惟謹遠至邇安廣輪有截豐

水

詒謀負乎莫並矣

吉林

謹按吉林周以前為肅慎地漢以後屬挹婁靺鞨
唐初為新羅之雞林州尋屬渤海遼於混同江左
右置濱州寧江州稍西為黃龍府金於混同江左
右置肇州隆州信州江之西為率賓路南近高麗
為海蘭路皆統於上京元置海蘭府碩達勒達路
萬戶府五分領混同江南北之民寧古塔則渤海
之忽汗州後稱上京龍泉府今城西南六十里呼

爾哈河南古城周三十里內城周五里宮殿舊址
猶存金為呼爾哈路亦統於上京拉林勒楚喀之
間則金上京城在焉今城南四里尚有古城及子
城宮殿遺址我

朝於吉林烏拉設將軍以統諸城而寧古塔白都訥
三姓阿勒楚喀拉林各設副都統分鎮焉時代雖
遙山川猶昔按其方域尚可參稽焉爾

黑龍江

謹按黑龍江在吉林東北東西三千餘里南北四千里後魏時曰黑水部屬勿吉唐曰黑水靺鞨跨江分南北部黑水部之北為思慕靺鞨郡利靺鞨窟說靺鞨近西北者為室韋部唐會要靺鞨傳言思慕等部南與渤海德里府接東至大海北至小海今考黑龍江極北有小海北史所云于已尼大水即北海當即指此遼為女真金屬上京北境及夫餘路溟渤遠環興安層抱重江疊嶂控扼諸藩

金史地理志卷八
雖渤海之盛亦不能全有其地也所云思慕郡利窟說等地名亦皆得自傳聞未通使傳我

朝德威遠被海隅日出罔不率俾黑龍江諸城爰自國初望風景附至康熙二十三年設將軍副都統鎮守之與內地郡縣無異固漢唐以來簡策所不能詳者矣

肅慎四至

後漢書古肅慎國在夫餘東北千餘里東濱大

海

晉書肅慎在不咸山北

案不咸山即今長白山

東濱大海

西接寇漫汗國北極弱水其土界廣袤數千里
通考魏正始六年毋丘儉討高麗過沃沮千餘
里到肅慎南界

舊唐書渤海以肅慎故地為上京曰龍泉府領
龍湖渤三州

肅慎城 肅慎縣

松漠紀開古肅慎城四面約五里餘遺堞尚在
在渤海國都三十里以石累城脚

遼史東京路遼陽府肅慎縣以渤海戶置黃龍
府黃龍縣本渤海長平縣并富利佐慕肅慎縣
置

元史開元路古肅慎之地

案元時開元路所統
甚廣不止今開原一

邑元字明
初始改原

謹案肅慎疆域僅見於後漢書晉書其國界南

包長白北抵弱水東極大海廣袤數千里約而計之正在今吉林寧古塔黑龍江境史云西接寇漫汗國考晉書有寇莫汗國去養雲國馬行百日養雲國去禪離國五十日禪離國在肅慎西北可二百日莫與漫音實相同汗當為王稱計去肅慎三百五十程矣又考遼史集州古毘離郡地金屬貴德州今為撫順和屯毘與禪音亦相同撫順正在長白山西北然則後漢書言

肅慎在夫餘東北者指寧古塔黑龍江諸境而言
言晉書謂裨離國在肅慎西北者指不咸山而言
言其程郵第約畧計之未為確據耳松漠紀聞
稱古肅慎城在渤海國都三十里考唐書渤海
始都忽汗州以忽汗河得名今呼爾哈河是也
唐天寶末徙上京直舊國三百里忽汗河之東
考呼爾哈河源出吉林界色齊窩集中諸源匯
為一大河東注鏡泊又從鏡泊之發庫東注繞

寧古塔城南復東北與混同江合是渤海王都
皆臨忽汗而上京為肅慎故地則肅慎古城實
在上京為今寧古塔地也至遼時黃龍府肅慎
舊縣併入黃龍縣者當為渤海縣名遼陽府之
肅慎縣則遼所自置雖各止一隅要皆肅慎之
故地也

夫餘國都

後漢書夫餘國在元菟北千里南與高句驪東

與挹婁西與鮮卑接北有弱水地方二千里

三國魏志夫餘本屬元菟漢末更屬遼東時句

驪鮮卑強夫餘在二國間其印文言濊王之印

國有故城名濊城蓋本濊地而夫餘王其中

晉書夫餘在元菟北千餘里南接鮮卑

案後漢書作西

接鮮卑當
係此誤 國中有古濊城

晉書永和二年夫餘為百濟所侵西徙近燕

夫餘城 夫餘府

通典夫餘南接高麗東接挹婁西接鮮卑後高麗得其地置夫餘城唐乾封二年薛仁貴破高麗於金山進拔夫餘城後屬於渤海

新唐書李勣伐高麗拔夫餘城

通考夫餘故地渤海為夫餘府常屯勁兵扞契丹領扶仙二州

冊府元龜後唐天成元年陳繼威使契丹至渤海界夫餘府契丹族帳在府城東南隅

通考遼太祖攻渤海夫餘城下之改夫餘城為

東丹府

案遼史作拔忽汗城
以為東丹王國誤

遼史地理志通州安遠軍本夫餘國王城渤海

號夫餘城通遠縣本渤海夫餘縣

案遼史又有
夫餘縣乃太

祖遷渤海夫餘縣降
戶所置非故地也

遼史地理志龍州黃龍府本渤海夫餘府

金史地理志隆州古夫餘之地有混同江拉林

河

謹按夫餘在漢元菟郡北元菟為今海城蓋平復州自開原以北千餘里皆夫餘之境南北朝為慕容氏所侵走保沃沮又因百濟侵畧西徙近燕尋為高句麗分據唐滅高麗入於渤海遼併渤海以為東京若龍州同州祺州肅州皆其故地其國王城則為通州領通遠安遠歸仁漁谷四縣金為隆州屬上京路尋廢州以三縣併入歸仁屬咸平府元初又廢歸仁故城在今鐵

嶺東北金山據明統志在開原西北三百五十里遼河北岸又西北三十里曰東金山又二十里曰西金山三山綿亘三百餘里與烏梁海接壤則隋唐伐高麗所謂出夫餘道者蓋常由此而渤海傳所云夫餘為契丹道及後漢書所言西接鮮卑者皆相符合至朝鮮亦有夫餘縣則徒襲其名不足憑也

挹婁國界

後漢書挹婁古肅慎之國在夫餘東北千餘里
東濱大海南與北沃沮接不知其北所極土地
多山險

三國魏志挹婁在夫餘東北千餘里濱大海南
與北沃沮接未知其北所極邑落各有大人處
山林之間古肅慎氏之國也

晉書肅慎氏一名挹婁在不咸山北去夫餘可
六十日行東濱大海西接寇漫汗國北極弱水

其土界廣袤數千里居深山窮谷其路險阻車馬不通

挹婁故地 挹婁縣

通考挹婁故地渤海為定理府領定瀋二州

遼史地理志瀋州昭德軍本挹婁故地渤海建

瀋州雙州保安軍本挹婁故地渤海置安定郡

定理府刺史故挹婁國地

遼史地理志東京城北至挹婁縣范河二百七

十里

案遼南京
後改東京

金史地理志瀋州挹婁縣遼嘗置定理府刺史
於此本挹婁故地

元史地理志瀋陽路本挹婁故地

謹案挹婁疆域與肅慎正同史皆云處長白山
北東瀕大海不知其北所極則自今

興京吉林寧古塔黑龍江諸境皆挹婁地奉天之
承德鐵嶺亦挹婁之界其與肅慎稍異者惟今

開原縣周秦以前屬肅慎漢屬夫餘國界考元
史言開元路古肅慎之地太祖立開元南京二
萬戶府治黃龍府遼史言黃龍府本渤海夫餘
府夫餘府所屬有肅縣縣是始屬肅慎繼屬夫
餘之明証也第元之開元路兼統東北諸境直
抵海濱所轄甚廣不止一邑之地又始則寄治
黃龍府迨至元以後方徙治今城則不屬挹婁
者僅今一邑若一邑以外屬肅慎即屬挹婁也

其故地之見於史傳者若渤海之定理府安定郡遼金之瀋州雙州興州皆其一隅而瀋州挹婁縣之遺今猶有挹婁城在鐵嶺縣南六十里明為懿路所置中左右等千戶懿路河在焉

太祖高皇帝辛酉年征明降懿路城即此蓋字音之轉也新唐書及遼史言渤海大氏始保挹婁之東牟山明一統志云山在瀋陽衛城東二十里恭考今承德縣城東二十里為

天柱山即東牟山也舊唐書作桂婁之東牟山桂婁為高麗部名高麗五部西漢以還桂婁部為王已久前史並未言其分地亦未有止稱桂婁者當以新唐書為正爾

三韓分地

後漢書韓有三種馬韓在西有五十四國其北與樂浪南與倭接辰韓在東十有二國其北與濊接弁辰

即弁韓

在辰韓之南亦十有二國其南

亦與倭接凡七十八國各在山海間地合方四千餘里東西以海為限

三國魏志韓在帶方之南東西以海為限南與倭接方可四千里有三種馬韓在西辰韓在馬韓之東弁辰與辰韓雜處其瀋盧國與倭接界
晉書辰韓在帶方南東西以海為限馬韓居山海之間無城郭有小國五十六所辰韓在東分十二國又有弁辰亦十二國屬於辰韓

三韓屬國

通考馬韓有愛襄國牟水國桑外國小石索國

大石索國優休牟涿國臣漬活國伯濟

另條詳後

國

速盧不斯國日華國古誕者國古離國怒藍國

月支

亦作日支

國治

魏志作治

離牟

盧國素謂乾國古爰

國莫盧國卑離國占離卑國臣釁國支侵國勾

盧國卑彌國監奚卑離國古蒲國致利鞠國冉

路國兒林國駟盧國內卑離國感奚國萬盧國

辟卑離國舊

魏志作曰

斯烏旦國一離國不彌國支

半國勾素國捷盧國牟盧卑離國臣蘇塗國莫

盧國古臘國臨素半國臣雲新國如來卑離國

楚山塗卑離國一難國勾奚國不雲國不斯濟

邗國爰池國乾馬國楚離國凡五十餘國大國

萬餘家小國數千家總十餘萬戶辰王治月支

國

案第一國曰愛襄襄與新音相近滿洲語謂金曰愛新魏志作爰襄則傳寫之異也又國

名多繫以卑離二字以滿洲語考之當為貝勒之轉音其後百濟甚強分建侯王有而中弗斯

邁盧等當即彌凍
不斯莫盧諸國也

三國志辰韓始有六國稍分為十二國弁辰亦
十二國又有諸小別邑有已抵國不斯國弁辰
彌離彌凍國弁辰接圖國勤耆國難彌離彌凍
國弁辰古資彌凍國弁辰古淳是國冉奚國弁
辰半路國弁樂努國軍彌國弁軍彌國弁辰彌
烏邪馬國如湛國弁辰甘路國戶路國州鮮國
馬延國弁辰勾邪國弁辰走漕瑪國弁辰安邪

國馬延國弁辰瀆盧國斯盧國

案此即新羅國之本名 優

中國合二十四國大國四五千家小國六七百

家總四五萬戶

案弁辰與辰韓雜居故魏志于兩國所屬不為分隸其冠以弁

辰者當為弁辰所屬也

三韓故地 馬韓都督府 辰州 三韓縣

舊唐書百濟國為馬韓故地顯慶五年以其地

置熊津馬韓等五都督府

遼史地理志辰州本高麗蓋牟城渤海蓋州又

改辰州以辰韓得名井邑駢列最為衝會

遼史地理志高州三韓縣辰韓為夫餘弁韓為
新羅馬韓為高麗開泰中聖宗以三國之遺人

置縣戶五千

案此以三國分屬
三韓殊為謬誤

金史地理志三韓縣屬大定府

謹案三韓在夫餘挹婁二國之南所統凡七十
八國合方四千里馬韓在西辰韓在東弁韓在
辰韓之南馬韓北與樂浪接所轄則在今蓋平

復州寧海辰韓北與濊接濊地即夫餘境也馬
韓弁韓之南皆與倭接東西以海為限則併
今高麗全國亦隸封域至所屬諸國多繫以卑
離二字當為貝勒之轉音而以三汗統諸貝勒
於體制亦適相符合晉書又載有裨離國在肅
慎西北裨與卑音相近耳遼史有裨離郡為今
撫順城是不獨東南廣而西北亦極袤亘矣唐
馬韓都督之設未久輒廢其址無存辰州即今

之蓋州今為蓋平縣至三韓縣遼時以遷戶置
但取其名非故地也

欽定滿洲源流考卷八

欽定四庫全書

欽定滿洲源流考卷九

疆域二

沃沮 濊

後漢書東沃沮在高句驪蓋馬大山之東

按原注蓋

馬縣名屬元菟郡其山在今平壤城西平壤即王險城也東濱大海北與挹

婁夫餘南與濊接其地東西狹南北長可折方千里武帝滅朝鮮以沃沮地為元菟郡後徙於

高句驪西北更以沃沮為縣屬樂浪東部都尉
至光武罷都尉官封其帥為沃沮侯又有北沃
沮去南沃沮八百餘里南接挹婁

三國魏志東沃沮在蓋馬大山之東其地形東

北狹西南長可千里

按此與後漢書稍異

漢武元封中以

其地為元菟郡後徙郡句驪西北今所謂元菟
故府是也沃沮還屬樂浪漢以土地廣遠在單
單大嶺之東分治東部都尉治不耐城別主嶺

東七縣時沃沮亦皆為縣光武六年省都尉以
縣中渠帥為縣侯

遼史海州南海軍本沃沮國地有沃沮縣

後漢書濊北與高句驪沃沮南與辰韓接東窮

大海西至樂浪濊及沃沮句驪本皆朝鮮之地

元朔元年濊君南閭等率二十八萬口詣遼東

內屬武帝以其地為蒼海郡數年乃罷至元封

三年滅朝鮮分置樂浪臨屯元菟真番

原注番音番

金史卷之八十三
表九
四郡至昭帝始元五年罷臨屯真番以并樂浪
元菟元菟復徙居句驪自單單大嶺已東沃沮
濊悉屬樂浪後以境土廣遠復分嶺東七縣置
樂浪東部都尉建武六年省都尉官遂棄嶺東
地悉封其帥為侯

三國魏志濊南與辰韓北與高句驪沃沮接東
窮大海今朝鮮之東皆其地也漢武帝分朝鮮
為四郡自單單大嶺以西屬樂浪自嶺以東七

縣都尉主之皆以濊為民後省都尉封其渠帥
為侯今不耐濊皆其後也

謹按兩漢魏晉時國於東方者為夫餘挹婁三
韓其邑落散處山海間者又有沃沮濊等名以
史傳核之沃沮之在東者東濱大海北接挹婁
夫餘又有北沃沮南沃沮並皆散處山林無大
君長所云單單大嶺即長白山單單與滿洲語
珊延音固相近也今自長白附近東至海邊北

接烏拉黑龍江西至俄羅斯叢林密樹綿亘其
間魏毋丘儉討高麗絕沃沮千餘里到肅慎南
界則沃沮者實即今之窩集也濊地君長亦皆
分統邑落無所專屬夫餘挹婁皆有其地考其
故壤自鳳凰城並海至朝鮮三國以後隋屬高
麗唐屬渤海矣

勿吉行程

魏書勿吉國在高句麗北去洛五千里自和龍

北二百餘里有善玉山山北行十三日至祁黎

山又北行七日至如洛瓌水

北史作洛瓌水

水廣里餘

又北行十五日至太魯水

北史作太魯水

又東北行

十八日到其國國有粟末水徒太山

按和龍為今土默特

右翼地太魯水當為今海爾河亦作洵爾洗兒又作拖羅皆音之轉新唐書之它漏遼金之他

魯捷魯河并聖宗所改捷魯河為長春河者皆是水也源出科爾沁西北興安山東南流合貴

勒爾河又東北折經科爾沁右翼後旗南界又東經扎賴特南界匯為納蘭薩蘭池亦名日月

池會嫩江以入於松花江松花江即粟末水新唐書言粟末西北注它漏河者蓋不知它漏河

東南入嫩江以達松花而反謂松花由嫩江以注它漏是據圖臆揣之誤也洛瓌嘗即老哈之轉音蒙古稱老河為老哈源出喀喇沁右翼東北流經故大寧城東又北經敖漢翁牛特左翼南又東北經奈曼及喀爾喀左翼北流五百里許與潢河合證之下文使臣所行地里音譯更相符合其不能徑由東北行者蓋中間為契丹所隔故耳又北魯特右翼西北一百九十里亦有他魯河源出大青羊山南流數十里入阿里雅河史載自和龍至勿吉由北而東不應反岐至西北則太魯非此河也又有以如洛瓌為饒樂之訛者考唐貞觀中置饒樂都督府領弱水祁黎洛瓌太魯湯野六州洛瓌太魯皆以水名州與饒樂並置且魏時亦未置州其非饒樂之訛明矣

太和初使臣乙力支稱初發其國乘船溯

難河西上至太汾河南出陸行渡洛孤水從契

丹西界達和龍

按難河亦曰那河即嫩江也太汾即上文太魯洛孤即上文洛

瓌皆音轉而訛實即滔爾及老哈二河也滔爾河入嫩江故自難河乘船可溯滔爾與老河相隔故南出陸行渡老河以至和龍是時土默特地屬元魏之營州而老河旁若喀喇沁敖漢奈曼翁牛特等境皆屬契丹故云自契丹西界達和龍使臣所歷之迹與魏使正同也時代雖遠其迹尚有可尋耳

勿吉七部故地

北史粟末部與高麗接

新唐書粟末部居最南抵太白山與高麗接依

粟末水以居水源於山西北注它漏河

按它漏即滔爾

河入嫩江嫩江入松花江此云粟末西北注它漏河殊誤

新唐書渤海本粟末部附高麗者

詳見後渤海條

北史伯咄部在粟末北

新唐書粟末稍東北曰汨咄部

按此作汨與北史異

北史安車骨部在伯咄東北

新唐書汨咄又東北曰安居骨部

按居與車音同字異

唐會要汨咄安居骨因高麗破後奔散微弱後
無聞焉

北史拂涅部在伯咄東

新唐書安居骨曰拂涅部

通考拂涅故地渤海為東平府領伊蒙陀黑比

五州

遼史地理志東京紫蒙縣本漢鏤方

按兩漢志
並作鏤方

縣地後拂涅國置東平府領紫蒙縣

遼史地理志東京遼州始平軍本拂涅國城渤海為東平府唐太宗征高麗李世勣拔遼城高宗詔程名振蘇定方討高麗至新城大破之皆此地也有遼河羊腸河錐子河蛇山狼山黑山

巾子山

按羊腸錐子河及蛇山等俱在今廣寧境遼河亦經廣寧境內則拂涅故地實

在今廣寧

北史號室部在拂涅東

北史黑水部在安車骨西北

詳見下
鞞鞞條

新唐書安居骨之西北曰黑水部

北史白山部在粟末東南

新唐書粟末之東曰白山部

舊唐書白山部近高麗因收平壤之後部衆多

入中國

遼史百官志長白山三十部大王府

勿吉傍國

北史勿吉傍有大莫盧國覆鍾國莫多回國庫

婁國素和國具弗伏國巴黎介國拔大何國郁

羽陵國庫伏真國魯婁國羽真侯國

魏書北史
豆莫婁在

勿吉北千里舊北夫餘也室韋之東東至於海
方二十餘里當即大莫盧之轉音或言濊地也

謹按勿吉即挹婁為肅慎故地分七部粟末部

近長白山以粟末水得名則在今松花江左右

伯咄在松花江北拂涅在伯咄東史稱拂涅故

地渤海為東平府領伊蒙陀黑比五州又遼史

稱紫蒙縣拂涅國置東平府是其分州立邑又

在渤海之前矣紫蒙故城在今遼陽東境東平
府契丹為遼州金為遼濱縣屬瀋州故城在明
瀋陽衛城西北百八十里唐以前為高麗所據
謂之遼東城唐太宗克之改曰遼州時亦謂之
新城以別於遼東故城也考唐書貞觀十九年
伐高麗江夏王道宗將兵數千至新城二十一
年復伐高麗命李世勣將青州兵自新城道入
永徽三年高麗侵契丹契丹大敗高麗於新城

儀鳳三年徙安東都護於新城皆此地也黑水以黑龍江名唐時最盛今詳載於靺鞨條白山部以長白山名舊唐書言因平壤之後多散入中國而白山部太師暨長白山三十部大王之稱見於遼志則其部族仍以繫號可知蓋自粟末部強諸部皆為服屬於是中土但知有渤海其他部不可考矣東平府及遼州並詳後渤海契丹疆域條至勿吉附近之大莫盧當即魏書

之豆莫婁亦稱達末婁覆鍾當即百濟之弗中
郁羽陵當即尉厥里皆與契丹相接也

百濟里至

魏書百濟國北去高句麗千餘里處小海之南

按史是時高麗國東至新羅西度遼二
千里南接百濟北鄰靺鞨一十餘里

北史百濟始立國於帶方故地其國東極新羅
句麗西南俱限大海處小海南東西四百五十
里南北九百餘里

後周書百濟始立國於帶方其地界東極新羅
北接高句麗西南俱限大海東西四百五十里
南北九百餘里治固麻城

宋書百濟本與高驪俱在遼東之東千餘里其
後高驪略有遼東百濟略有遼西

隋書百濟國東西四百五十里南北九百餘里
南接新羅北距高麗

舊唐書百濟處大海之北小海之南東北至新

羅 按隋唐時通百濟皆自登萊泛海而往蓋為契丹所隔新唐書所載亦同

新唐書百濟直京師東六千里而贏濱海之陽其東新羅也

唐會要百濟當馬韓故地處大海之北小海之南東北至新羅

通考百濟晉時略有遼西晉平 唐柳城北平之間 自晉

以後吞併諸國據有馬韓故地其國東西四百里南北九百里

百濟都城 百濟郡邑

北史百濟所都曰居拔城亦曰固麻城其外更有五方中方曰古沙城東方曰得安城南方曰久知下城西方曰刀先城北方曰熊津城都下有方方分五部曰上部前部中部下部後部五方各有方領一人方有十郡城之內外民庶及餘小城咸分隸焉

宋書百濟所治謂之晉平郡晉平縣

梁書晉世百濟有遼西晉平二郡地自置百濟郡梁天監中為高句驪所破遷居南韓地後更為強國號所治城曰固麻謂邑曰擔魯其國有

二十二擔魯皆以子弟宗族分領之

按宋書云百濟所治

謂之晉平郡晉平縣是以郡統縣矣北史云國有五方方管十郡則當為五十郡今梁書云二十

十二擔魯是縣反

少於郡恐無是理

隋書百濟國都曰居拔城畿內為五部五方各有方領一人方有十郡國西南人島居者十五

所皆有城邑百濟自西行三日至貊國云

舊唐書百濟王所居有東西兩城貞觀十六年
伐取新羅四十餘城又襲破新羅十城二十二
年又破其十餘城永徽中又與高麗靺鞨侵其
北界三十餘城其國舊分五部統郡三十七城
二百至顯慶五年以其地分置熊津馬韓東明
等五都督府各統州縣立其帥為都督刺史縣
令命王文度為熊津都督以鎮之

新唐書百濟王居東西二城有六萬方統十郡

按六萬方與他書異當為六方方統十郡萬字亦作方與方相近而誤耳顯慶五年

平其國五部三十七郡二百城戶七十六萬析

置熊津馬韓東明金漣德安五都督府後其地

為新羅渤海靺鞨所分按五代史後唐清泰間及元史世祖本紀至元

四年百濟皆遣使入貢是百濟至元代猶存但故地已失僅守偏隅非復隋唐之舊耳

唐會要百濟王所居有東西兩城又外置六方

方管十郡唐顯慶五年分其國為五部統郡三

十七城二百置熊津馬韓東明金漣德安等五
都督各統州縣立其長為都督刺史縣令麟德
以後其地為新羅靺鞨所分

百濟諸城

舊唐書龍朔元年百濟僧道琛舊將福信據周
留城其西部北部並應之帶方州刺史劉仁軌
便道發兵轉鬪而前所向皆下道琛於熊津江

口立兩柵以拒復退保任存城

新書作
任孝

舊唐書龍朔二年劉仁願仁軌大破福信餘衆
於熊津東拔其支羅城及尹城大山沙井等柵
福信等以真峴城臨江高險又當衝要加兵守
之仁軌夜拔之遂通新羅運糧之路仁願請益
兵詔發淄青萊海兵七千人浮海赴熊津於是
水軍自熊津江往白江以會陸軍同趨周留城
通考高麗以百濟為全州金馬郡

謹按百濟與新羅壤地相錯隋書云南接新羅

唐會要言東北至新羅考百濟之境西北自今
廣寧錦義南踰海蓋東極朝鮮之黃海忠清全
羅等道東西狹而南北長自柳城北平計之則
新羅在其東南自慶尚熊津計之則新羅在其
東北其北亦與勿吉為鄰也王都有東西兩城
號固麻城亦曰居拔城以滿洲語考之固麻為
格們之轉音居拔蓋滿洲語之卓巴言二處也
二城皆王都故皆以固麻名之宋書言百濟所

治謂之晉平郡晉平縣通考云在唐柳城北平
之間則國都在遼西而朝鮮全州境內又有俱
拔故城殆梁天監時遷居南韓之城歟唐顯慶
中分為五都督府曰德安即百濟東方之得安
城曰熊津即北方之熊津城熊津今朝鮮漢江
城在全州西北百濟與高麗分界處也曰東明
者東明為百濟之祖自橐離渡河以之名地當
與橐離國相近考遼志橐離為鳳州韓州皆在

今開原境則東明都督府之設亦應與開原相
適矣任存城在熊津江口朝鮮全州西百濟之
西部支羅真峴在熊津東全州之北自熊津溯
白江為周留城在全州西加林城亦在焉沙井
柵在其東北唐蘇定方劉仁軌等由登萊海道
濟師故戰守之地皆在今朝鮮境耳唐書又言
後為新羅渤海靺鞨所分百濟遂絕而自五代
迄元尚有百濟朝貢之文考百濟舊設五方方

管十郡則列郡五十唐初又攻取新羅六七十
城其幅員益廣蘇定方所得止三十七郡王子
夫餘豐脫身而走是其支庶保守偏隅仍循位
號僅有黃海忠清等地而海蓋以北盡歸新羅
渤海矣

新羅

北史新羅在高麗東南居漢時樂浪地多山險
兼有沃沮不耐韓濊之地附庸於百濟

梁書新羅本辰韓也其國在百濟東南五千餘

里

按通志通考俱作五百餘里查二國壤地
昆連無相去五千里之理疑梁書之誤

東

濱大海南北與句驪百濟接其邑在內曰啄評

按唐書通考俱作啄評考通典注云
呼穢反則啄字當因字形相近而訛

在外曰邑

勒國有六喙評五十二邑勒

今有邑勒必拉入
松阿哩江與薩木

什必拉
相近

通志新羅國在百濟東南五百餘里東濱大海

其西北界出高麗之間

隋書新羅在高麗東南居漢時樂浪之地魏將
母丘儉討高麗破之奔沃沮其後復歸故國留
者遂為新羅焉兼有沃沮不耐韓濊之地

冊府元龜隋伐高麗新羅亦攻取高麗五百里
舊唐書新羅在漢時樂浪之地東及南方俱限
大海西接百濟北鄰高麗東西千里南北二千
里王所居曰金城周七八里顯慶以後漸有高
麗百濟之地其界益大西至於海

新唐書新羅居漢樂浪地橫千里縱三千里咸
亨五年王金法敏略百濟地守之上元二年劉
仁軌破其衆於七重城以靺鞨兵浮海略南境
又詔李謹行屯買肖城

冊府元龜開元二十四年勅涇江以南令新羅
安置

太平寰宇記新置在百濟東南五百餘里兼有
漢樂浪地東濱大海

通考新羅在百濟東南五百餘里亦在高麗東南隋時襲加羅任那諸國滅之其西北界犬牙出高麗百濟之間地多山險

奉使行程錄自咸州北行至同州東望大山即

新羅山深處與高麗接界

按遼咸州即金咸平府同州為金銅山縣

俱在今鐵嶺開原之間東至咸遠堡即吉林界南至奉天即唐時高麗界開原即漢時夫餘界百濟之舊國也通考謂新羅西北界出高麗百濟之間者應即指此

雞林州

舊唐書龍朔三年詔以新羅為雞林州都督府

授其王金法敏為都督

按自此以後凡新羅嗣王俱加雞林州大都督

之

新唐書王居金城環八里龍朔元年

按舊唐書作三年與

此異以其國為雞林州大都督府

新羅九州

新唐書新羅多取百濟地抵高麗南境置尚良

康熊全武漢朔溟九州州有都督統郡十或二

十按是時高麗北境已屬渤海新羅既有百濟之地又兼有高麗南境非得百濟而始抵高麗之南也尚州全州遼金皆有之朝鮮亦有之遼地志云尚州屬東京路本漢襄平縣地渤海為東平寨金地志云全州屬北京路治安豐縣二史並未詳沿革之由或遼金所置徒襲其名未必即其舊地也朝鮮慶尚道之尚州本并韓南境為新羅故地全羅道之全州本并韓邊境為百濟要隘似為相近然考唐會要五代會要太平寰宇記皆作全州與唐書通考作全者異唐平高麗嘗置全州明為全州衛即今寧海縣新羅既得高麗之地其州名即沿唐舊亦未可知第國初烏拉國有全州城為武勳王揚古利攻克今吉林城北猶有全州山全州站實與新羅之難林州相近非唐以後所置其稱名當有所自也康州遼屬顯州去醫巫閭山不遠熊

州當以熊岳為名唐儀鳳初徙熊津都督於建安城與此相近在蓋州南六十里渤海之杉盧郡也漢州以漢江為名本百濟地後為朝鮮王都朔州在鳳凰城東南溟州本濊地

唐會要新羅封百濟故地及高麗南境東西約九百餘里南北約一千八百里於界內置尚良康熊金武漢朔溟九州

唐會要武州物產為新羅之最

謹按新羅始附庸於百濟後兼加羅任那諸國與百濟為鄰考其疆土東南並有今朝鮮之慶

尚江原二道西北直至今吉林烏拉又西近開
原鐵嶺唐顯慶以後又得百濟故地及高麗南
境於是東西增九百里南北增千餘里開元以
後渤海盛強其西北諸境盡為所併新羅所有
僅鴨綠江以南唐末高麗復起割其南境暨渤
海為契丹所侵於是新羅西與契丹以海州巖
淵縣為界西北與契丹以鴨綠江東八里黃土
嶺為界矣雞林州之名始於唐龍朔三年以其

國為雞林州大都督府國王世襲都督之號以音譯及地理考之即今吉林許亢行程錄云自咸州至同州東望大山即新羅山遼之咸州金為咸平府同州金為銅山縣俱在今鐵嶺開原之間東至威遠堡門即吉林界則州名取此無疑第其後為渤海所得而都督之號則仍繫新羅於是并朝鮮之地亦沿雞林之稱耳七重城在朝鮮慶州北南臨發盧河舊唐書言劉仁軌

率兵絕匏盧河攻七重城即此水也賈肖城亦
在其地當時用兵皆自登萊浮海往來故多在
朝鮮界也至九州之設東至吉林西至廣寧跨
海益而包朝鮮幅員式擴矣

靺鞨

隋書靺鞨在高麗之北凡有七部

見前勿吉條

即古

之肅慎也其國西北與契丹接

舊唐書靺鞨後魏謂之勿吉在京師東北六千

餘里東至於海西接突厥南界高麗北鄰室韋
其國凡為數十部黑水最處北方分為十六部
部又以南北為柵

新唐書黑水靺鞨居肅慎地亦曰挹婁元魏時
曰勿吉東瀕海西屬突厥南高麗北室韋離為
數十部部間遠者三四百里近者二百里黑水
分十六落以南北稱黑水西北又有思慕部益
北行十日得郡利部東北行十日得窟說部

亦號

屈說稍東南行十日得莫曳皆部又有拂涅見前

條虞婁越喜鐵利等部其地南距渤海北東際

於海西抵室韋南北袤二千里東西千里

按上文云

西屬突厥北室韋而後又云西抵室韋考新唐書室韋傳室韋地據黃龍北東黑水靺鞨西突厥南契丹北渤海附於突厥則黑水部實西北皆鄰室韋也因室韋嘗附突厥故有西屬突厥之文耳

新唐書室建河東合那河忽汗河又東貫黑水

靺鞨故靺鞨跨水有南北部

按室建河即黑龍江那河即嫩河忽

汗河即呼爾哈河嫩河呼爾哈皆會混同以合
黑龍江而唐宋諸史多以混同為黑龍江者蓋
傳聞之誤

唐會要靺鞨有數十部黑水靺鞨最處北方分
為十六部落又以南北為柵舊說黑水西北有
思慕靺鞨正北微東十日程有郡利靺鞨東北
十日程有窟說靺鞨東南十日程有莫曳皆靺

鞨今黑水界南與渤海國德里府接

按渤海十
五府具載

唐書及通考無德里府之名據新唐志蓋鎮名
也以地與音考之今寧古塔城西九十里自鄂

摩和湖東繞沙蘭站之南至呼爾哈河有大石
廣二十餘里袤百餘里石平如鏡孔洞大小不
可數計或圓或方或六隅八隅如井如盆如池
或口如盂而中如洞深或丈許或數尺中有泉
澄然凝碧名德林沃赫俗呼黑石甸子石縫中
魚或躍出甸上草木皆異車馬行其上如聞空
洞之聲石或又損即有水從罅出探之深不可
測迤西十餘里有海眼李春冰泮水流石下聲
如雷吼里與林音實相近呼爾哈河
即渤海舊都所在鎮名當取諸此
北至小海

按今黑龍江極北有海汶北史謂
于己尼大水即北海者當即此也

東至大海西

至室韋南北約二千里東西約一千里渤海寢

強黑水亦為所屬

冊府元龜靺鞨在高麗北營州東二千里越喜靺鞨東北至黑水靺鞨地方二千里

通考拂涅鐵利虞婁越喜時時通中國而郡利

屈設

按二字與唐書異

莫曳皆不能自通

元史地理志開元路隋唐曰黑水靺鞨其後渤海盛靺鞨皆役屬之又其後渤海寢弱黑水復擅其地東瀕海南界高麗西北與契丹接壤即

金鼻祖之部落也

按元時開元路所統至廣今黑龍江寧古塔及開原縣地

皆為
所轄

黑水州 黑水府

唐會要武德三年部長突地稽遣使朝貢以其
部置燕州並以其長帥為都督總管貞觀十四
年以黑水地為黑水州

冊府元龜黑水帥突地稽隋末率部落千餘家
內屬處之營州唐武德初以其部落置燕州以
突地稽為總管

按此為營州地屬靺鞨之姑燕
州之置實在營州也通考云武

德三年黑水長阿因郎始東
貞觀二年以其地為燕州

通考開元十年拜黑水部長帥為勃利州刺史
於是安東都護請置黑水府以部長為都督刺
史領黑水經略使

唐會要開元十三年於黑水部落內置黑水軍
續又以最大部落為黑水府仍以其首領都督
諸部刺史隸屬焉

舊唐書開元十年置黑水經略使其地南距渤

海北東際海西抵室韋南北二千里東西千里
其後渤海盛府遂廢

元史開元路唐黑水靺鞨以其地為燕州置黑
水府

鐵利越喜故地

通考渤海以鐵利故地為鐵利府領廣汾蒲海
義歸六州越喜故地為懷遠府領達越懷紀富

美福邪芝九州

詳後渤海條

遼史地理志東京廣州渤海為鐵利郡太祖建

鐵利州

按鐵利郡即渤海鐵利府所屬之廣州也渤海屬州往往以郡稱今詳後渤海條

遼史地理志東京鐵驪府故鐵驪國地

按鐵驪即鐵利

音同字異又按元一統志云蒲河在瀋陽路源出鐵利國蒲谷流經蒲水田故名松漠紀聞云蒲河距瀋州四十里今考蒲河在承德縣城西北四十里源出香爐山經永安橋入蓮花泊則鐵利故國實在於此

遼史地理志東京韓州本渤海粵喜縣地

按粵喜縣

亦以粵喜國得名音同字異韓州故葉離國地在開原東北

遼史地理志銀州新興縣本故粵喜國城

按遼銀州

本渤海懷遠府所屬之富州也新興縣之地渤海亦嘗置銀州遷移其名新興縣金隸咸平府志云南有范河北有柴河西有遼河以今水道考之外遼河在鐵嶺城西十里柴河源出城東南百八十里繞至城北西入於遼范河出城東南百二十里西流過城南西入遼河則粵喜國城正在今鐵嶺縣也

遼史地理志東京信州本粵喜故城地鄰高麗

按此即渤海懷遠府治所據元一統志在濱州之西今開原之東蓋遼時渤海衰而高麗復興故與高麗相近也

金史地理志韓州柳河縣本粵喜縣地以河為名有枸河柳河

元一統志柳河縣故城本粵喜地後置縣以其

地近柳河故名今城址猶存

按元一統志第言地近柳河金地理

志云有枸河柳河考盛京通志有柳河而無枸河第云遼河一名巨流河一名句麗河亦名

枸柳河謂是枸河柳河合流之處今考柳河源出遼陽州城東北八十里西北流經承德縣城東

南之磧子山紅寶石山陽入十里河又考十里河舊名稠柳河源出遼陽州城北六十里亦西

北流至楊家灣合沙河入渾河渾河入遼河則枸河或即十里河也第十里河與柳河合流之

地去巨流河尚遠而遼河之大豈轉因二小水
得名舊志止屬傳聞未有確據蓋因句麗巨流
拘柳音頗相同是以傳疑有此說耳又按今土
默特右翼西北亦有柳河東南流經喀喇城入
大凌河又義州境內之柳河川亦發源於土默
特右翼南亦東南流入大凌河土默特右翼為
古柳城地雖與靺鞨接界在遼為與中府屬中
京殊不相涉考遼金韓州信州故城皆在今科
爾沁左翼東南科爾沁地在隋唐屬靺鞨無柳
河有遼河則所謂拘河柳河者當即拘柳之誤
分為二
河耳

謹按靺鞨即勿吉舊屬七部並同拂涅白山等
部已載前勿吉條粟末後稱渤海另條惟黑水

一部復分為十六考之史傳思慕郡利窟說莫
曳皆虞婁皆在黑水以北不與中土相聞今黑
龍江之外當即其地可考者惟黑水之南北部
及越喜鐵利二部新唐書言室建河東合那河
忽汗河又東貫黑水靺鞨故跨江有南北之稱
所言較諸史為詳尚猶有未盡者室建即今黑
龍江那河即嫩河忽汗即呼爾哈河二河並入
混同江混同合黑龍江入海混同黑龍合流之

處僅在靺鞨東界新唐書蕪那河忽汗河言之似誤以混同為黑龍江也其實一出長白一出肯特遠不相涉前史但知有黑水而未知黑水源委僅據其入海之處與混同合流故誤以混同為黑水金史亦言混同江一名黑龍江指下流交會處而言猶之可也若新唐書言混同入嫩江北盟會編稱混同南流入鴨綠通鑑注又以混同為鴨綠尤舛謬之甚者矣嫩江之地亦

屬靺鞨魏書稱勿吉使臣自其國溯難河至太

涂河是也

難河即嫩河太涂即洸爾詳見前勿吉條

忽汗河上流屬

渤海其入混同江處亦屬靺鞨唐會要所稱南

與渤海德里府接界是也唐會要又云北至小

海東濱大海渤海盛時黑水亦為所屬考渤海

郡縣實未嘗過混同以北惟鐵利越喜兩部故

地渤海嘗郡縣之而鐵利仍自為國朝貢往來

見於遼史者不一暨金興始屬於金殆故地為

渤海所得而其部落稍徙相遠歟鐵利故地有
蒲河在今承德縣西北越喜故地有遼河范河
柴河在今開原鐵嶺東北唐時黑水府黑水州
但即其全部遙授都督之名初無專治燕州之
設則在營州僅為別部長帥突地稽所居統計
黑水全部北東際海南至寧古塔其西界嫩江
科爾沁西南至開原鐵嶺史言南北袤二千里
東西千里第約計之詞實不止是也

欽定滿洲源流考卷九